



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2634/11
Sarajevo, 27.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-02-2012			
Organizacioni odjeljenje	Klasifikaciona brojevska	Wanni Broj	Broj priloga
01-	50-1-	15-	13/11

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na zastupnička pitanja koja je postavila Dušanka Majkić, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2634/11
Sarajevo, 23.2.2012. godine

Gospođa Dušanka Majkić, poslanica u Predstavničkom domu Parlamentarne skupštine Bosne i Hercegovine, na 13. sjednici Predstavničkog doma Parlamentarne skupštine Bosne i Hercegovine, održanoj 10. novembra 2011. godine, postavila je pitanja sljedeće sadržine:

1. „Zašto je Ministarstvo zaključilo navedeni ugovor bez prethodno ugrađenih primjedbi i sugestija Pravobranilaštva BiH? Zašto je Ministarstvo zaključilo Ugovor bez konačnog mišljenja Pravobranilaštva BiH?“
2. „Tražim od Ministarstva da dostavi preciznu informaciju šta čini strukturu cijene ovog finansijskog aranžmana. Navesti razloge zbog kojih su nabavljene Office Professional licence koje su nepotrebne za poslove koje obavljaju zaposlenici u državnoj upravi. Zašto nisu nabavljene Office Standard licence koje su dovoljne za većinu službenika u državnoj upravi?“
3. „Da li je tačno da ukupan zbir cijene pretplate i otkupa licenci iznosi oko 18.000.000 KM koji će Savjet ministara izdvojiti za nabavku licenci kroz ESA ugovor u periodu od tri godine?“
4. „Da li su istinite tvrdnje da je Ministarstvo nabavilo mnogo veći broj licenci nego što je neophodno i da li to znači da institucije BiH vrše nabavku duplih licenci?“
5. „Koliko je trenutno na stanju neiskorišćenih licenci i kolika je njihova vrijednost?“
6. Na osnovu kojih analiza je Ministarstvo iskazalo potrebe za 9155 licenci (dostaviti analizu na uvid)?“

Na postavljena pitanja, Vijeće ministara Bosne i Hercegovine, na 4. sjednici održanoj 23.2.2012. godine, utvrdilo je slijedeći

ODGOVOR

Vijeće ministara Bosne i Hercegovine i korporacija Microsoft potpisali su 18.12.2008. godine Ugovor o Strateškom partnerstvu (SPA), u kojem se „Tačkom 5. LICENCE“ Vijeće ministara obavezalo da će potpisati Microsoft-ov ugovor o poslovanju i uslugama i Enterprise ugovor o pretplati (Enterprise Subscription Agreement - ESA), što je i učinjeno 24.6.2010. godine.

Potpisivanjem Strateškog sporazuma Vijeće ministara BiH se opredijelilo za OVS (Open Value Subscription) tip licenciranja, te je iz tog razloga potrebno pojasniti o kakvoj vrsti licenciranja se radi kako bi se dali precizni i tačni odgovori na postavljena pitanja.

ESA ugovor predstavlja program količinskog licenciranja zasnovan na standardizaciji softvera koji podrazumijeva iznajmljivanje Microsoft softvera na period od tri godine, pri čemu se plaćanja vrše u tri godišnje rate i to na godišnjicu potpisivanja ugovora. Namijenjen je prvenstveno za preduzeća ili institucije sa više od 250 radnih stanica, te nudi znatne popuste i niže ukupne troškove vlasništva ako se želi standardizovati softver za sve

radne stanice koje su u upotrebi. ESA ugovor funkcionira na sljedećim osnovama (ovo je pojednostavljena verzija):

- U ESA ugovor se moraju prijaviti svi računari pravnog lica/institucije koji su kvalifikovani za ESA ugovor, osim onih računara čija namjena se ne bazira na primjeni Microsoft proizvoda tj. specijalizovani su za određene poslove (npr, računari za video nadzor, računari kase, računari koji su za knjigovodstvo, a na njima se ne pokreću druge aplikacije). Takođe, u ESA ugovor kao posebna stavka ulaze svi serveri u firmi.
- ESA ugovor se bazira na godišnjem iznajmljivanju licenci i kao takav podliježe troškovima, a ne ulazi u osnovna sredstva.
- Ugovor funkcionira tako da se nakon potpisivanja trogodišnjeg ugovora, utvrdi broj računara i servera koji ulaze u ugovor, plaća se iznajmljivanje za prvu godinu, i nakon toga se na sve računare koji se naknadno nabave može instalirati sav softver koji se oslobađa dodatnih plaćanja, a na godišnjicu ugovora se ponovo prijavljuje broj računara koji se u tom momentu koriste. **Ovo znači da se besplatno koristi softver za sve nove računare do sljedeće godišnjice ugovora.**

U sklopu ESA ugovora je Software Assurance (SA) koji sadrži više od 25 pogodnosti koje omogućavaju da se na najbolji način iskoristi Microsoft-ov softver. Za vrijeme trajanja ugovora Institucije stiču pravo na nove verzije softvera koji je predmet ugovora bez dodatnog plaćanja. Također, stiče se opcija "home use", koja omogućava svim zaposlenim u državnoj upravi koji koriste softver na radnom mjestu korišćenje legalnih softvera na kućnim računarima kao i na laptop-ima bez ikakvih dodatnih plaćanja. Na računare koji su suviše stari, ESA ugovorom je omogućen downgrade (pravo instalacije prethodnih verzija) na starije operativne sisteme i aplikacije. Nakon isteka treće godine ugovora moguća su sljedeća rješenja:

- Produženje ugovora (pod novim uslovima);
- Otkup licenci (buy-out) koje su iznajmljivane, čime licence postaju trajno vlasništvo institucija (plaća se četvrta rata u visini treće rate čiji se iznos množi sa koeficijentom 1,75);
- Deinstalacija iznajmljivanog softvera i fizičko uništenje instalacionih diskova dobivenih od Microsoft-a.

Softverske proizvodi koji se mogu iznajmiti kroz ESA ugovor čine platformski proizvodi (Platforma) i dodatni proizvodi. Platformu čine Windows komponente, Office komponente i CAL komponente. Prilikom određivanja koje će platformske proizvode institucije iznajmiti vodilo se računa o sljedećem:

- Iznajmljivanje pojedinačnih komponenti platforme ili kombinovanje dvije pa čak i sve tri platformske komponente;
- Prilikom iznajmljivanja dvije, odnosno sve tri platformske komponente mora se izvršiti iznajmljivanje svih komponenti za isti broj računara osim u slučaju CAL komponente za koju je dozvoljeno prijavljivanje i većeg broja računara (PDA uređaji koji imaju potrebu pristupa serverima).

Institucije Vijeća ministara su iznajmile sve tri komponente, čime su ostvarile popust od 5% u odnosu na zbir iznosa pojedinačnih proizvoda, koji se za platformu primjenjuje i prilikom plaćanja svake naredne rate ugovora.

Platformski proizvodi koji se iznajmljuju definišu se prilikom potpisivanja Ugovora i ne mogu se do isteka Ugovora mijenjati. Može se mijenjati isključivo broj računara koji je pokriven platformom ili platformskim proizvodima i to jednom godišnje, na godišnjicu Ugovora. U toku godine, ipak, dozvoljeno je dodavati u postojeći Ugovor nove platformske komponente.

Dodatni proizvodi koji se mogu iznajmiti sadrže Microsoft aplikacije (osim onih koje su sadržane u platformi), sve Microsoft servere i CAL-ove za Microsoft servere (osim onih koji su sadržani u platformi). Dodatni proizvodi se iznajmljuju „na komad“, odnosno, dodatni proizvodi se iznajmljuju nezavisno od broja računara koji su obuhvaćeni platformom. Dodatni proizvodi koji se iznajmljuju, također se definišu prilikom potpisivanja Ugovora, ali se mogu dodavati u Ugovor u bilo kom trenutku u toku trajanja Ugovora, pri čemu se plaćanje za dodani proizvod vrši do kraja mjeseca u kom je izvršena instalacija. Jednom dodani proizvod može se iz Ugovora izbrisati na godišnjicu Ugovora i to prilikom plaćanja naredne rate.

U daljnjem tekstu slijede konkretni odgovori na postavljena pitanja.

1. *„Zašto je Ministarstvo zaključilo navedeni ugovor bez prethodno ugrađenih primjedbi i sugestija Pravobranilaštva BiH? Zašto je Ministarstvo zaključilo Ugovor bez konačnog mišljenja Pravobranilaštva BiH?“*

Ministarstvo komunikacija i transporta BiH je svojim dopisom broj: 01-16-3-2289/10 od 26.5.2010. godine Pravobranilaštvu Bosne i Hercegovine dostavilo na mišljenje Nacrt Ugovora o nabavci usluga Premier Support-a za potrebe Vijeća ministara BiH. Pravobranilaštvo BiH je svojim aktom broj: 03-7-10-M-497/10 od 2.6.2010. godine dostavilo mišljenje na navedeni ugovor sa primjedbama i sugestijama, uz preporuku da se iste ugrade u konačan ugovor. Po prijemu mišljenja Pravobranilaštva BiH, 9.6.2010. godine održan je sastanak Radne grupe za pripremu Aneksa Sporazuma o strateškom partnerstvu između Vijeća ministara BiH i korporacije Microsoft i za provođenje postupka izbora LAR-a na kome je zaključeno da se u predmetni ugovor unesu podaci koji se tiču potpisnika ugovora (mr.sc.Rudo Vidović), cijene ugovora u ukupnom iznosu, uz razdvajanje pojedinačnih stavki svake od usluga, uz razgraničenje koje su usluge uključene u ugovor prema unaprijed plaćenim satima, troškovnik (troškovnici su uključeni kao sastavni dijelovi ugovora i imena kontakt osobe (Branislav Zimonjić, dipl.inž. inf.teh.).

Kada je riječ o primjedbi Pravobranilaštva BiH po kojoj „neki termini u ugovoru nisu precizno određeni“, te da se tako otvaraju „mogućnosti dvosmislenog tumačenja“ Radna grupa zauzela je stav da ista ne stoji, jer svi termini upotrijebljeni u Nacrtu ugovora se inače koriste kod definisanja pojmova dobre poslovne prakse i običaja.

Nadalje, ne stoji ni primjedba po kojoj u Nacrtu ugovora nije određena mjerodavnost suda u slučaju spora, obzirom da je članom 9.6. potpisanog Sporazuma o strateškom partnerstvu između Vijeća ministara BiH, korporacije Microsoft BiH i Microsoft Ireland Operations Limited, određen nadležni sud (Sud Republike Irske), a uzimajući u obzir da se u konkretnom slučaju (Ugovor o nabavci usluga Premier Support-a za potrebe Vijeća ministara Bosne i Hercegovine) radi o jednom od aneksa pomenutog Sporazuma, nisu se ponavljale odredbe o nadležnom sudu u slučaju spora.

Ugovor o pružanju usuga Premier Support-a (sa unesenim predhodno navedenim podacima) potpisan je 24.6.2010. godine i aktom Ministarstva komunikacija i transporta broj: 01-04-16-3-2289-2/10 od 18.8.2010. godine primjerak potpisanog ugovora je dostavljen Pravobranilaštvu BiH, koje se svojim aktom broj: 03-7-10-M-497/10 od 15.9.2010. godine izjasnilo da neće snositi negativne posljedice nepostupanjem po njihovom mišljenju.

Ministarstvo je svojim aktom broj: 01-04-16-3-2289-3/10 od 27.9.2010. godine podsjetilo Pravobranilaštvo BiH da je postupilo u skladu sa njihovim sugestijama. Nakon toga Pravobranilaštvo BiH nije više reagovalo na dopise Ministarstva.

Shodno navedenom Ministarstvo smatra da su primjedbe u najvećem dijelu prihvaćene i da pomenuti ugovor nije zaključen "bez pozitivnog mišljenja Pravobranilaštva BiH", odnosno da su ispoštovane odredbe Zakona o pravobranilaštvu BiH ("Službeni glasnik BiH" broj 8/02).

Također, bitno je pomenuti da je Pravobranilaštvo BiH svojim aktom broj: M-862/08 od 15.10.2008. godine dalo pozitivno mišljenje na Sporazum o strateškom partnerstvu između Vijeća ministara BiH, Microsoft BiH i Microsoft Ireland Operations Limited i da se u slučaju Ugovora o pružanju Usluga Premier Supporta radi o Aneksu istog.

2. „Tražim od Ministarstva da dostavi preciznu informaciju šta čini strukturu cijene ovog finansijskog aranžmana. Navesti razloge zbog kojih su nabavljene Office Professional licence koje su nepotrebne za poslove koje obavljaju zaposlenici u državnoj upravi. Zašto nisu nabavljene Office Standard licence koje su dovoljne za većinu službenika u državnoj upravi?“

Potpisivanjem pretplatničkog ugovora (ESA) institucije Vijeća ministara Bosne i Hercegovine stekle su pravo na korišćenje Microsoft Desktop Platforme koju čine Windows 7 Upgrade, Office 2010 Plus paket i paket pristupnih licenci za servere - Core CAL, Windows Server, Exchange Server, Share Point Server, Lync Server, System Center Server, Forefront Server, SQL Server i dodatnih Microsoft-ovih proizvoda koje čine SQL Server Standard 1Proc, Windows Server Ent, Exchange Server Standard i Office Share Point Server. Na ovaj način institucije Vijeća ministara BiH su stekle pravo na korišćenje 84775 različitih vrsta licenci na jednogodišnjem nivou. Struktura cijena ovog finansijskog aranžmana data je u sledećim tabelama:

Finasijska tabela za **prvu godinu** trajanja ugovora:

Red. br.	Opis	Jed. Mjere	Količina	Cijena u USD	Vrijednost u USD
1.	ProDsktpMDOP ALNG LicSAPk MVL	kom	9000	213,64	1.922.760,00
2.	SQLSvrStd ALNG LicSAPk MVL 1Proc	kom	20	1.737,54	34.750,80
3.	WinSvrEnt ALNG LicSAPk MVL	kom	100	714,42	71.442,00
4.	ExchgSvrStd ALNG LicSAPk MVL	kom	15	214,62	3.219,30
5.	OfficeSharePointSvr ALNG LicSAPk MVL	kom	20	1.357,30	27.146,00
UKUPNO BEZ PDV-a					2.059.318,10
PDV					350.084,08
UKUPNO SA PDV-om					2.409.402,18

Finasijska tabela za **drugu godinu** trajanja ugovora:

Red. br.	Opis	Jed. Mjere	Količina	Cijena u USD	Vrijednost u USD
1.	ProDsktpMDOP ALNG LicSAPk MVL	kom	9400	213,64	2.008.216,00
2.	SQLSvrStd ALNG LicSAPk MVL 1Proc	kom	20	1.737,54	34.750,80
3.	WinSvrEnt ALNG LicSAPk MVL	kom	100	714,42	71.442,00
4.	ExchgSvrStd ALNG LicSAPk MVL	kom	15	214,62	3.219,30
5.	OfficeSharePointSvr ALNG LicSAPk MVL	kom	20	1.357,30	27.146,00
UKUPNO BEZ PDV-a					2.144.774,10
PDV					364.611,60
UKUPNO SA PDV-om					2.509.385,70

Finasijska tabela za **treću godinu** trajanja ugovora:

Red. br.	Opis	Jed. Mjere	Količina	Cijena u USD	Vrijednost u USD
1.	ProDsktpMDOP ALNG LicSAPk MVL	kom	9800	213,64	2.093.672,00
2.	SQLSvrStd ALNG LicSAPk MVL 1Proc	kom	20	1.737,54	34.750,80
3.	WinSvrEnt ALNG LicSAPk MVL	kom	100	714,42	71.442,00
4.	ExchgSvrStd ALNG LicSAPk MVL	kom	15	214,62	3.219,30
5.	OfficeSharePointSvr ALNG LicSAPk MVL	kom	20	1.357,30	27.146,00
UKUPNO BEZ PDV-a					2.230.230,10
PDV					379.139,12
UKUPNO SA PDV-om					2.609.369,22

Ukupna finasijska tabela za **trogodišnje** trajanja ugovora:

Red. br.	Opis	Jed. Mjere	Količina	Cijena u USD	Vrijednost u USD
1.	ProDsktpMDOP ALNG LicSAPk MVL ¹	kom	28200	213,64	6.024.648,00
2.	SQLSvrStd ALNG LicSAPk MVL 1Proc	kom	60	1.737,54	104.252,40
3.	WinSvrEnt ALNG LicSAPk MVL	kom	300	714,42	214.326,00
4.	ExchgSvrStd ALNG LicSAPk MVL	kom	45	214,62	9.657,90
5.	OfficeSharePointSvr ALNG LicSAPk MVL	kom	60	1.357,30	81.438,00
UKUPNO BEZ PDV-a					6.434.322,30
PDV					1.093.834,79
UKUPNO SA PDV-om					7.528.157,09

¹ Platforma DsktpMDOP ALNG LicSAPk MVL uključuje sledeće proizvode: Windows 7 Upgrade, Office 2010 Plus, Office 2010 Standard, MS Visio, MS Project, Core CAL Suite (Share Point Server, Exchange Server, Windows Server, Lync Server, System Center, Forefront Endpoint Protection)

Kao što je već prethodno pomenuto, Vijeće ministara se potpisivanjem Strateškog sporazuma sa korporacijom Microsoft opredjelilo da će koristiti OVS – Open Value Subscription vrstu licenciranja (ESA ugovor). Ova vrsta licenciranja, između ostalog, podrazumijeva izbor određene desktop platforme, a ne izbor pojedinačnih proizvoda koje čine desktop platformu. *Professional Desktop platforma* koja je izabrana, kao standardna platforma za sve radne stanice u institucijama Vijeća ministara sadrži i *Office 2010 Plus* i *Office 2010 Standard*. Na instituciji je da izabere koju verziju Office-a će instalirati na radnu stanicu korisnika, shodno njegovim poslovima i radnim zadacima koje obavlja, kao i hardverskim karakteristikama radne stanice na koju se instalira pomenuti proizvod. **Dakle, cijena je ista bilo da se instalira Office 2010 Plus ili Office 2010 Standard.**

Za razliku od Microsoft OVS tipa licenciranja, Microsoft OLP (Open License Program) predstavlja program količinskog licenciranja Microsoft softvera koji je namijenjen pravnim licima, a koja imaju potrebu za kupovinom 5 (pet) i više Microsoft softverskih licenci bilo kog softverskog pool-a (operativni sistem, aplikacije i serveri). Licence obuhvaćene OLP nisu vremenski ograničene, tj. po isteku OLP ugovora ostaju u trajnom vlasništvu pravnog lica bez ikakvih dodatnih troškova. Plaćanje OLP licenci vrši se jednokratno. Elektronski oblik licence se isporučuje putem e-maila u roku od 24 časa od trenutka poručivanja, dok se *Hard Copy* licence isporučuje u roku od 3 do 5 radnih dana. OLP sporazum traje dvije godine i u tom periodu omogućava institucijama kupovinu dodatnih licenci po istom nivou cijena po kojima je sporazum sklopljen i ostvarena prva narudžba. OLP program se preporučuje i isplati pravnim licima koja pet godina ne namjeravaju mijenjati verziju Microsoft softvera koji je u upotrebi. Upgrade verzije softvera kroz OLP program licenciranja nisu uključene i mogu se ostvariti dodatnom kupovinom Software Assurance (softversko osiguranje) koje traje dvije godine i koje znatno poskupljuje cijenu softverskih licenci. Struktura cijena ovog finansijskog aranžmana data je u sledećoj tabeli:

Ukupna finasijska tabela za **dvogodišnje** trajanja ugovora (izvor: *Microsoft BiH*):

Red. br.	Opis	Jed. Mjere	Količina	Cijena u USD	Vrijednost u USD
1.	CoreCAL LicSAPk OLP NL Gov UsrCAL	kom	9000	291,15	2.620.350,00
2.	WinPro 7 Upgrade OLP NL Gov	kom	9000	190,71	1.716.390,00
3.	OfficeProPlus LicSAPk OLP NL Gov	kom	9000	778,23	7.004.070,00
4.	WinSvrEnt LicSAPk OLP NL Gov	kom	100	3.425,85	342.585,03
5.	SharePoinSrv LicSAPk OLP NL Gov	kom	20	7.161,22	143.224,49
6.	SQLSvrStd LicSAPk OLP NL Gov 1Proc	kom	20	10.423,81	208.476,19
7.	ExcchgSvrStd LicSAPk OLP NL Gov	kom	15	1.029,25	15.438,78
UKUPNO BEZ PDV-a					12.050.534,49
PDV					2.048.590,86
UKUPNO SA PDV-om					14.099.125,35

3. „Da li je tačno da ukupan zbir cijene pretplate i otkupa licenci iznosi oko 18.000.000 KM koji će Savjet ministara izdvojiti za nabavku licenci kroz ESA ugovor u periodu od tri godine?“

Ukupna cijena pretplate za korišćenje Microsoft licenciranih proizvoda obuhvaćenih ESA ugovorom na trogodišnjem nivou iznosi **7.528.157,09 USD** ili **11.068.235,32 KM** po trenutno važećem kursu (izvor: <http://www.cbbh.ba/index.php?id=4> od 30.11.2011.godine). Ukoliko bi se Vijeće ministara odlučilo na kupovinu licenci u trajno vlasništvo nakon isteka ugovora bilo bi u obavezi da plati i četvrtu rata u visini treće rate čiji se iznos množi sa koeficijentom 1,75 (**2.609.369,22 USD x 1,75 = 4.566.396,14 USD** ili **6.713.721,086 KM**). U ovom slučaju bi ukupan iznos za trogodišnju pretplatu i otkup licence iznosio **17.781.956,41 KM** po važećoj kursnoj listi od 30.11.2011. godine, *ali važno je napomenuti da je ovo samo jedna od opcija.*

Ono što je bitno naglasiti je da licenciranje Microsoft-ovog softvera zahtjeva ozbiljnu analizu i stručno osposobljen kadar, kada je u pitanju ova oblast, koji će biti u stanju procijeniti koja je opcija za Vijeće ministara BiH najpovoljnija, nakon isteka postojećeg pretplatničkog ugovora. Pretplatnički ugovori nude znatno niže cijene, plaćanje u ratama, a korisnik na kraju ugovornog period ostvaruje pravo korišćenja posljednje verzije Microsoft softvera koji je u tom momentu u upotrebi, za razliku od otkupa licenci, koja nudi mogućnost prava korišćenja samo one ugovorene verzije Microsoft softvera i ne daje mogućnost upgrade-a na nove verzije Microsoft softvera.

4. *„Da li su istinite tvrdnje da je Ministarstvo nabavilo mnogo veći broj licenci nego što je neophodno i da li to znači da institucije BiH vrše nabavku duplih licenci?“*

Nabavka licenci je urađena na osnovu prikupljenih podataka koje su dostavile institucije Vijeća ministara. Kao što je prethodno rečeno, ESA ugovor predviđa postavljanje desktop Professional platforme na sve kvalificirane radne stanice, kako bi se postigla standardizacija instaliranog Microsoft softvera na nivou svih Institucija Vijeća ministara. Institucije Vijeća ministara nisu vršile nabavku duplih licenci, niti nabavku većeg broj licenci nego što je potrebno. Licencirani softver koji se koristio u momentu potpisivanja ESA ugovora je nadograđen sa najnovijim verzijama Microsoft proizvoda obuhvaćenim pomenutim Ugovorom, a nelicenciran softver obuhvaćen pomenutim Ugovorom koji se koristio nelegalno u institucijama, na ovaj način je legalizovan.

5. *„Koliko je trenutno na stanju neiskorišćenih licenci i kolika je njihova vrijednost?“*

Trenutno na stanju nema neiskorišćenih licenci, na stanju se nalaze neraspoređene licence, tj. licence koje još uvijek institucije Vijeća ministara BiH nisu preuzele, a za kojima su iste iskazale potrebu kroz popunjavanje anketnih upitnika. Korišćenjem Microsoft VLSC (Volume Licensing Service Center), institucijama Vijeća ministara BiH omogućeno je da samostalno preuzimaju licencni softver, uz prethodno obavještenje kontakt osobe u Ministarstvu komunikacija i transporta zaduženoj za tehničku realizaciju ESA ugovora o broju preuzetih licenci. Trenutno je raspoređeno oko 59% licenci za desktop Professional platformu od ukupnog broja kupljenih pretplatničkih licenci, te oko 95% kupljenih pretplatničkih licenci za dodatne proizvode (serveri). Raspodjela licenci je proces koji traje i očekuje se da će do kraja trogodišnjeg ESA ugovor sve institucije Vijeća ministara preuzeti pretplatničke licence za koje su iskazale potrebu, te u 100 postotnom procentu legalizovati Microsoft softver, kao i standardizovati sve radne stanice koje su u upotrebi i koje se planiraju nabaviti. Jedan od razlog za ne preuzimanje licenci od strane institucija Vijeća ministara BiH je nepostojanje stručno osposobljenog informatičkog kadra u pojedinim institucijama koji bi adekvatno primijenio sve prednosti koje nude ovakvi tipovi ugovora. Također, u određenom broju Institucija zaposleni su državne službenici na informatičkim poslovima koji nisu stručno osposobljeni za poslove IKT, te i iz tog razloga ne može se postići puna efikasnost u realizaciji ESA ugovora. Stručno osposobljen

informatički kadar je ključ za postizanje stopostotne realizacije i implementacije potpisanog pretplatničkog ugovora sa korporacijom Microsoft.

6. *Na osnovu kojih analiza je Ministarstvo iskazalo potrebe za 9155 licenci (dostaviti analizu na uvid)?*

Ministarstvo komunikacija i transporta je uputilo institucijama Savjeta ministara upitnik u kojem je traženo od institucija da ministarstvu dostave tačan broj radnih stanica i servera u upotrebi, plan nabavke radnih stanica i servera za naredni jednogodišnji period, te informaciju od broju licenciranog i nelicenciranog Microsoft softvera koji se koristi na pomenutim uređajima. Na osnovu prikupljenih podataka dobijenih od 47 institucija (pojedine institucije su se uključile u proces licenciranja nakon potpisivanja ESA ugovora) i urađene detaljne analize ustanovljeno je da institucije posjeduju 8.992 radne stanice (uključujući i laptop-e) i 241 serverski uređaj. Također je ustanovljeno da su institucije u vrijeme provođenja ankete koristile oko 81% licenciranih operativnih sistema (Windows XP, Vista), 73% licenciranih Office paketa (ver. 2003/2007), te oko 92% licenciranih servera. Podaci o CAL (Client Access License) nisu traženi kroz anketni upitnik, ali kroz direktne kontakte sa institucijama, došlo se do saznanja da veoma mali broj institucija posjeduje pomenute licence. CAL je licenca koju mora posjedovati svaka radna stanica koja pristupa Microsoft serveru na direktan ili indirektan način. Podaci o broju licenciranog i nelicenciranog softvera se moraju uzeti sa rezervom, jer u određenom broju institucija anketne upitnike su popunjavale osobe koje nisu stručno osposobljene za davanje traženih informacija. U prilogu dostavljamo analizu prikupljenih podataka dostavljenih od institucija Vijeća ministara BiH, koja je bila osnov za određivanje nabavke potrebnog broj licencnog Microsoft softvera.

Na kraju, potrebno je istaći da je Sporazum o strateškom partnerstvu i strateškoj saradnji u oblasti informacionih tehnologija potpisan između Vijeća ministara BiH i korporacije Microsoft, osnov dugoročne saradnje, čiji je prvenstveni cilj stimulacija naučnog i tehnološkog razvoja na svim nivoima. Primjenom Sporazuma obezbjediće se aktivno korišćenje i pozitivno usklađivanje zakona sa Evropskom unijom i Svjetskom trgovinskom organizacijom, čime će se omogućiti potpuna primjena zakona koji su u vezi sa intelektualnom svojinom. Početak realizaciji strateške saradnje realizovan je po modelu ostalih evropskih zemalja, potpisivanjem trogodišnjeg pretplatničkog ugovora o licenciranju između Vijeća ministara BiH i korporacije Microsoft, a što je prvi korak ka legalizaciji softvera. U isto vrijeme, Sporazum o strateškom partnerstvu je jasna poruka za kompanije, organizacije i pojedince da je došlo vrijeme za drugačije poslovanje u legalnim okvirima, koje zahtjeva strogo poštivanje prava o intelektualnoj svojini. Sporazum o strateškom partnerstvu je stimulacija u procesu ekonomskog i obrazovnog razvoja, razmjena iskustava i korišćenja novih tehnologija. Korišćenjem proizvoda korporacije Microsoft, koji imaju široku primjenljivost u svijetu, državne institucije će biti u mogućnosti da zadovolje potrebe i zahtjeve građana, korisnika državnih usluga, na mnogo brži i efikasniji način.

Sporazum o Strateškom partnerstvu sa korporacijom Microsoft su potpisali i BiH entiteti, Parlament BiH, države u okruženju, kao i većina država Evropske unije, čim se olakšava razmjena podataka korišćenjem standardizovane platforme, kao i uspostava jedinstvenog informatičkog interoperabilnog prostora.


Analiza Prikupljenih podataka dostavljenih od institucija Vijeća ministara BiH

R.B.	Institucija	WS	OS		Office		LT	OS		Office		SRV	L	NL
			L	NL	L	NL		L	NL	L	NL			
1	Agencija za antidoping kontrolu													
2	Agencija za bezbjednost hrane	25	25	0	25	0	11	11	0	11	0	2	2	0
3	Agencija za državnu službu BiH	33	33	0	33	0	5	5	0	5	0	1	1	0
4	Agencija za forenzička ispitivanja i vještačenje													
5	Agencija za javne nabavke BiH													
6	Agencija za lijekove i medicinska sredstva BiH													
7	Agencija za nadzor nad tržištem BiH	13	13	0	13	0	4	4	0	4	0	0	0	0
8	Agencija za osiguranje u BiH	14	0	14	14	0	4	0	4	4	0	1	1	0
9	Agencija za policijsku podršku													
10	Agencija za poštanski saobraćaj													
11	Agencija za prevenciju korupcije i koordinaciju borbe protiv korupcije													
12	Agencija za pružanje usluga u vazdušnoj plovidbi BiH													
13	Agencija za rad i zapošljavanje BiH	44	44	0	20	24	10	10	0	6	4	4	4	0
14	Agencija za razvoj visokog obrazovanja i osiguranje kvaliteta													
15	Agencija za statistiku BiH	71	70	20	70	20	7	7	0	7	7	7	7	0
16	Agencija za unapređenje stranih investicija	30	20	10	20	10	6	6	0	6	0	3	3	0
17	Agencija za zaštitu ličnih podataka u BiH													
18	Arhiv BiH	8	6	2	6	2	1	1	0	1	0	0	0	0
19	Centar za informisanje i priznavanje dokumenata iz oblasti visokog obrazovanja													
20	Centar za uklanjanje mina BiH	227	73	154	154	73	35	12	23	23	12	14	14	0
21	Centralna izborna komisija	76	76	0	0	76	15	15	0	0	15	10	10	0
22	Direkcija za civilno vazduhoplovstvo BiH	52	52	0	52	0	8	8	0	8	0	1	1	0
23	Direkcija za ekonomsko planiranje	24	24	0	24	0	9	9	0	9	0	2	2	0
24	Direkcija za evropske integracije	80	80	0	80	0	12	12	0	12	0	4	3	1
25	Državna agencija za istragu i zaštitu	580	580	0	580	0	140	140	0	140	0	50	50	0
26	Državna regulatorna agencija za radijacionu i nuklearnu bezbjednost													
27	Državna regulatorna komisija za električnu energiju	21	21	0	21	0	10	10	0	10	0	1	1	0
28	Fond za povratak	12	0	12	0	12	3	0	3	0	3	0	0	0
29	Generalni sekretarijat Savjeta ministara BiH	55	55	0	41	14	8	8	0	6	2	0	0	0
30	Granična policija BiH	782	696	86	570	212	61	61	0	61	0	1	1	0
31	IDDEEA	866	866	0	866	0	58	58	0	58	0	36	36	0
32	Institucija obdusmana za zaštitu potrošača BiH	6	6	0	6	0	3	3	0	3	0	0	0	0
33	Institut za akreditovanje BiH BATA	14	11	3			4	4	0			1	1	0
34	Institut za intelektualno vlasništvo BiH	29	29	0	29	0	2	2	0	2	0	3	2	1
35	Institut za nestala lica BiH													
36	Institut za standardizaciju	26	17	9	17	9	1	1	0	1	0	2	1	1
37	Kancelarija koordinatora za reformu javne uprave BiH	21	2	19	0	21	0	0	0	0	0	1	1	0
38	Kancelarija za razmatranje žalbi	24	24	0	24	0	9	9	0	9	0	1	1	0
39	Kancelarija za reviziju institucija BiH	13	13	0	13	0	30	30	0	30	0	2	2	0
40	Kancelarija za veterinarstvo BiH	53	19	34	19	34	13	11	2	11	2	6	6	0
41	Kancelarija za zakonodavstvo Savjeta ministara	31	31	0	31	0	5	5	0	5	0	2	2	0
42	Komisija za koncesije BiH	13	13	0	13	0	3	3	0	3	0	0	0	0
43	Komisija za očuvanje nacionalnih spomenika	24	24	0	17	7	8	8	0	0	8	1	1	0
44	Konkurencijsko vijeće	26	26	0	26	0	8	8	0	8	0	2	2	0

R.B.	Institucija	WS	OS		Office		LT	OS		Office		SRV	L	NL
			L	NL	L	NL		L	NL	L	NL			
45	Ministarstvo bezbjednosti BiH	175	175	0	175	0	78	78	0	0	78	0	0	0
46	Ministarstvo finansija i trezora	82	136	0	136	0	24	24	0	24	0	7	7	0
47	Ministarstvo komunikacija i transporta	89	89	0	0	89	33	33	0	0	33	1	1	0
48	Ministarstvo odbrane BiH i Oružane snage BiH	1300	581	719	581	719	106	106	0	0	0	17	11	6
49	Ministarstvo pravde	154	154	0	154	0	32	32	0	32	0	4	4	0
50	Ministarstvo spoljne trgovine i ekonomskih odnosa	113	10	103	10	103	17	2	15	2	15	5	2	3
51	Ministarstvo vanjskih poslova	500	180	320	0	500	20	0	20	0	20	4	0	4
52	Ministarstvo za ljudska prava i izbjeglice	105	63	15	42	80	8	5	3	0	8	2		
53	Ministarstvo civilnih poslova	93					19					1		
54	Pravobranilaštvo BiH	19	19	0	19	0	2	2	0	2	0	1	1	0
55	Regulatorna agencija za komunikacije BiH	110	110	0	110	0	11	11	0	11	0	16	16	0
56	Služba sa poslove sa strancima	103	103	0	63	40	22	22	0	22	0	0	0	0
57	Služba za zajedničke poslove	30	0	30	0	30	1	0	1	0	1	0	0	0
58	Uprava BiH za zaštitu zdravlja bilja													
59	Uprava za indirektno oporezivanje BiH	1500	1500	0	1500	0	460	460	0	460	0	25	25	0
60	Zavod za izvršenje krivičnih sankcija, pritvora i drugih mjera BiH													
UKUPNO		7666	6069	1550	5574	2075	1326	1236	71	996	208	241	222	16

Ukupan broj desktop WS		
Ukupan broj Laptop-ova		
Ukupan broj desktop WS i LT		
Ukupan broj licenciranih OS	81,24%	
Ukupan broj nelicenciranih OS	18,03%	
Ukupan broj licenciranih Office paketa	6570	73,06%
Ukupan broj nelicenciranih Office paketa	2283	25,39%
Ukupan broj server		
Ukupan broj licenciranih servera	92,12%	
Ukupan broj nelicenciranih server	16	6,64%
Plan kvalificiranih racunara za rashod		
Plan kvalificiranih racunara za nabavku		

WS - radna stanica/računar
OS - operativni sistem
L - licencirano
NL - ne licencirano
SRV - server
RAS - planirani rashod
NAB - planirana nabavka





BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2332/11
Sarajevo, 12.3.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 13-03-2012

Organizaciona jedinica	Klasifikaciona oznaka	Redni broj	Broj
01-	50-1-	15-13/11	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu – dostavlja se

Vijeće ministara Bosne i Hercegovine, na 3. sjednici održanoj 7.3.2012. godine, utvrdilo je Odgovor na zastupničku inicijativu koju je podnijela Dušanka Majkić, zastupnica u Zastupničkom domu Parlamentarne skupštine Bosne i Hercegovine.

U prilogu prosjeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2332/11
Sarajevo, 7.3.2012. godine

DUŠANKA MAJKIĆ, poslanik u Predstavničkom domu Parlamentarne skupštine Bosne i Hercegovine, na **13.sjednici** Predstavničkog doma Parlamentarne skupštine BiH održanoj **10.11.2010.godine**, postavila je sljedeću poslaničku inicijativu:

„Podnosim inicijativu za pokretanje procedure ispitivanja opravdanosti daljeg postojanja Agencije za forenzička ispitivanja i vještačenja BiH od strane Savjeta ministara BiH.“

Na podnesenu inicijativu, Vijeće ministara Bosne i Hercegovine je na 3. sjednici održanoj 7. 3. 2012. godine, utvrdilo sljedeći:

ODGOVOR

Postojanje Agencije za forenzička ispitivanja i vještačenja BiH izraženo je kroz interes njenog formiranja i konkretnog definiranja njene nadležnosti.

Agencija je počela sa funkcioniranjem u februaru 2009.godine, kada je imenovan i menadžment Agencije.

Koliko je Ministarstvo sigurnosti i Vijeće ministara Bosne i Hercegovine smatralo važnost postojanja ovakve institucije, jeste Odluka Vijeća ministara BiH iz 2010.godine, da se u novosagrađenoj zgradi Agencije za istrage i zaštitu BiH ovoj agenciji dodijeli adekvatan prostor za uspostavljanje potrebnih laboratorija.

Istovremeno, to je značilo da sve ostale aktivnosti funkcioniranja Agencije za forenzička ispitivanja i vještačenja zavise od misije i vizije rukovodioca Agencije u oblasti njenog razvoja.

Rukovodiocu Agencije je sugerirano da sačini dinamički plan opremanja Agencije, da uspostavi direktne kontakte sa policijskim agencijama u BiH u cilju definiranja prioriteta za uspostavu laboratorija za forenzička ispitivanja i vještačenja, a u skladu sa ovlastima koje su definirane u Zakonu. Međutim, po našim informacijama policijske agencije nisu kontaktirane, niti je donesen dinamički plan opremanja i funkcioniranja Agencije.

Suština problema u funkcioniranju Agencije za forenzička ispitivanja i vještačenja, je nepostojanje dinamičkog plana otvaranja laboratorija, legalizacija postojećih vještačenja, otvaranje laboratorija sa uvažavanjem zahtjeva policijskih agencija i tužilaštava.

U tom smislu svu odgovornost za efikasnije funkcioniranje Agencije snosi rukovodilac ne sagledavajući zahtjeve policijskih agencija i tužilaštava, kao i za nepokretanje inicijativa za dinamičnije finansiranje otvaranja novih laboratorija.

Opravdanost za postojanjem institucije, koja će se baviti forenzičkim ispitivanjima i vještačenjima postoji i to je od velike važnosti i značaja za policijske agencije u BiH, kao i za Tužilaštvo Bosne i Hercegovine. Da li Agencija za forenzička ispitivanja i vještačenja treba da postoji kao samostalna upravna organizacija ili da egzistira u sastavu druge agencije, o tome bi se mogla voditi rasprava i diskusija, stoga naglašavamo da je od izuzetne važnosti postojanje institucije koja bi objedinila sva forenzička ispitivanja i vještačenja, što čini okosnicu u efikasnosti policijske strukture i tužilaštava u otkrivanju svih izvršilaca krivičnih djela.